

**OKÉ TAKE**  
**NOS SPECIAL**  
**OCTOBER 23**  
**PAG. 4**

**746-3571**




**Minister Endy Croes:**  
**A PRESENTA E**  
**PROYECTO DI**  
**MANEHO DI IDIOMA**  
**NA E COMISION DI**  
**ENSEÑANSA NA**  
**PARLAMENTO DI**  
**ARUBA**

## **15 HOMBER Y 1 MUHER ILEGAL GARA DEN BOTO PURBANDO DI DRENTA ARUBA**

Diadomingo den transcurso di madruga un boto sospechoso nabegando direccion di Sero Colorado, Aruba a ser detecta. Mesora a dirigi un Metal Shark pa intercepta e boto. Despues di intercepta e boto e agentenan di Wardacosta a haya abordo 16 persona, di cual 15 hende homber di Venezuela y 1 hende muhe procedente di Colombia.

E boto a wordo treci na e pier na Savaneta caminda e personanan a ser entrega na Guarda nos Costa. E capitan y su ayudante a ser entrega na Cuerpo Policial di Aruba, cu lo sigi cu e investigacion.



## **INTENCIONALMENTE A SENDE UN AUTO NA CANDELA DILANTI UN CLUB NOCTURNO NA PALM BEACH**



**EDITORIAL:**  
**UN AÑA PASA**  
**TABATIN**  
**EUFORIA PA**  
**AANWIJZING; UN**  
**AÑA DESPUES**  
**TIN ELOGIO PA**



## **PELEA DI HENDE MUHER NA PALM BEACH!**





**Prome Minister Evelyn Wever-Croes:  
Como muestra di solaridad pa cu luna di conscientisacion di cancer di  
pecho**

**MINISTERNAN DI GABINETE WEVER-CROES A  
BISTI NA ROS**

- Riba dia di Conscientisacion di Cancer di Pecho, Ministernan di Gabinete Wever-Croes a muestra nan solidaridad bistiendo un articulo di paña ros. Manera ta conoci, ful e luna di october, mundo ta para keto na e conscientisacion di e forma di cancer aki. Cancer ta un malesa cruel, cu por toca na porta di tur hende, na cualkier momento mas inespera. P'esey ta importante pa tur hende muhe, adultonan, y hobennan, haci tur test y control necesario frecuentemente, pa asina si tin e malesa, e por wordo detecta y trata na tempo.

Prome Minister ta haci un apelacion na tur

hende muhe, mama di famia, cu ta cuidando di nan casa, yiunan of mayornan, pa haci nan control regularmente, y cuida di nan mes prome cu nan cuida di otro. Tur hende ta consciente cu haci un mammogram no ta placentero, pero e dolor ey, no ta nada compara cu e doloronan cu un ser femenino por carga. Tambe ta importante pa tur hende muhe sa, cu tin un grupo grandi di hende pa sostene y yuda esnan cu tin e malesa di cancer na pecho.

"Di experiencia propio mi por bisa, cu unabes bo wordo detecta cu cancer na pecho trempa, e tratamiento ta mas efectivo




y menos doloroso. Den mayoria di caso, ora detecte laat, e opcionnan pa trate ta limita y casi imposibel. P'esey mi ta pidi cada un di boso cu ta hende muhe, y cu ta stima bo mes

y bo famia, pa samina y controla boso mes. Pa tur esnan cu ta sufriendo di e malesa aki, sa cu bo no ta bo so, y cu tin un grupo di hende pa yuda bo. Ohala cu hunto nos por yuda tur

esnan cu ta sufriendo di e malesa cruel aki, y cu pronto por bin un cura pa cancer", Prome Minister a expresa.

**Bisiña tabata nervioso pa un auto  
sospechoso para banda di su cas, e  
auto a resulta di joyriding**



Diasabra mainta un bisiña di banda di e veld di Riverplate a spanta pa un auto sospechoso para banda di su cas y e tabata sinti su mes fastioso, mesora a dirigi un patruya na e sitio. Na yegada di e patruya a bin constata cu aki ta trata di e Hyundai Getz blauw A46616 cual a ser horta poco mas tempran

for di Sasakiweg. Polis a nota sanger aki aya banda di e auto y como cu e ta precedente di joyriding cq ladroncia mesora a confisca e vehiculo pa mas investigacion.



Educacion Profesional Intermedio

*"Pa forma profesionalismo y personalidad"*

De Minister van Onderwijs en Sport, als bevoegd gezag van de Dienst Publieke Scholen roept sollicitanten op voor het schooljaar 2023-2024 voor de volgende vacature te Colegio Educacion Profesional Intermedio:

➤ **Docent Consumptieve Technieken – instructietaal Engels (1VB)**

Er wordt gezocht naar een enthousiaste teamplayer met liefde voor het vak en voor het onderwijs, die als inspiratie en als voorbeeld voor de nieuwe generatie kan dienen.

**Vereisten:**

- Tweede graad onderwijsbevoegdheid of gelijkwaardig met voldoende praktijkervaring;
- Beheersing van de instructietaal;
- Ervaring in het bedrijfsleven een pré;
- Studentgerichtheid (de student staat op de eerste plaats).

**Profiel:**

- Een professionele houding en plichtsgetrouw;
- Goede didactische kwaliteiten en communicatieve eigenschappen;
- Flexibel met betrekking tot innovatieve processen binnen het beroepsonderwijs;
- Gevorderde computervaardigheden.

**Bezoldiging:**

Conform de Bezoldigingsregeling Aruba 1986. Secundaire arbeidsvoorwaarden conform de Landsverordening Materieel Ambtenarenrecht en Landsverordening Vakantie en Vrijstelling van Dienst Ambtenaren.

**Informatie:**

Voor verdere informatie m.b.t. bovenstaande vacature kunt u zich richten tot: afdeling HR van Colegio EPI, via e-mail [hr@epiaruba.com](mailto:hr@epiaruba.com) of via tel. + (297) 5258726.

**Interesse:**

Uw schriftelijke sollicitatie, vergezeld van een curriculum vitae en kopieën van diploma's, kunt u binnen 2 weken na het verschijnen van deze advertentie, richten aan: de Minister van Onderwijs en Sport d.t.k.v. mevrouw Morela Dirkz, Interim Hoofd Financieel Beheer van de Dienst Publieke Scholen, John F. Kennedy Education Center, Stadionweg 37, per e-mail [hr@dps.aw](mailto:hr@dps.aw) en [hr@epiaruba.com](mailto:hr@epiaruba.com).





1234 5678 0000 9876  
GOOD THRU 02/29  
JEON  
The Florin Card

## The Florin Card

Efectivo


**Un creacion  
unico, dinamico  
y especialmente  
pa bo.**

Introduciendo un facilidad di credito cu  
pagonan mensual comfortabel, un interes  
reduci y sin tur e gastonan adicional.

E tarheta cu ta brinda un  
facilidad di credito na florin,  
cu ta facil pa uza y yuda'bo  
logra mas.

- No tin compromiso di  
Miembresia Anual: e ta  
GRATIS pa semper.
- Disfruta di un interes reduci  
di 16% p.a. cu ta yuda'bo  
baha gasto.
- Tuma miho control di bo  
gastonan cu un pago  
mensual na bo favor.
- Cero gasto di cambio di  
moneda y transaccion.



 **Aplica awe mes!**

cmbnv.com





# EDITORIAL: UN AÑA PASA TABATIN EUFORIA PA AANWIJZING; UN AÑA DESPUES TIN ELOGIO PA GOBIERNO

Ta exactamente un aña pasa cu den e lunanan aki, tabata biba un euforia cerca oposicion y prensa pa un aanwijzing cu tabata riba mesa.

Caft a traha un conseho riba 13 punto, pa duna Aruba un aanwijzing.

Pais Aruba a bringa e aanwijzing ey, pasobra e autornan di CAFT no tabata tin rason pero mas peor aun, no tabata reacciona of acepta nan error.

Poco poco mester a hiba un lucha tenas contra

CAFT pa asina corigi nan errornan.

Aruba a haya rason, CAFT a perde cara y e presidente terco a haye ta tuma retiro.

E tempo ey, opositornan manera Marisol Lopez Tromp a brasa e carta di CAFT, prensa di AVP a suta y bati gobierno, nan a gasta tur nan placa pa viaha bay te Hulanda pa busca e KB y Aanwijzing, cual nunca a yega y cual nan a keda cu gana.

Ta lamentabel pa mira un oposicion mediocre, cu mester gara tene na CAFT

pa nan por haya algo pa critica! Mas peor ta cu e ponencia di CAFT tabata basa riba error y oposicion di Aruba tambe a cay den nan wega.

Despues di un aña, ta elogio so tin pa Aruba cu ta hasiendo tur esfuerzo pa paga e mega debe di AVP y pa asina por trece un perspectiva nobo pa Aruba, reduciendo gastonan di intrest.

Pabien Gobierno, pabien Mep y Raiz y pabien na Minister di finanzas Xiomara Maduro.



## Pelea di hende muher na Palm Beach!

Diasabra madrug na Palm Beach dilanti polis dos dama lo a ataca un dama y dal e. Polis a detene e dos agresornan y a pidi ambulans pa atende cu e victima. Na yega di e ambulans nan a hiba e victima hospital pa checkeo mas avansa.



A photograph of a building with a sign that says "OKÉ TAKE AWAY" in red and yellow letters. The sign is mounted on a white wall with a blue roofline.

### Menu 23 okt!

- Calco stoba
- Galiña stoba
- Spare ribs stoba cu kool
- Balchi pisca
- Porkchop
- Chicken breast

*Den Nos MINIBOX pa solamente 10 florin*

- Galiña stoba
- Balchi pisca
- Chicken breast

**746-3571**



## Parlamentario Shailiny Tromp-Lee (MEP): CMMA ta sigui habri wowo di Aruba pa e problematica, peligro y consecuencianan di traficacion di hende



Relaciona cu Dia Nacional Contra Traficacion di Hende mi a keda invita pa Coordinatiecentrum Mensenhandel Mensensmokkel Aruba (CMMA) pa lansamento di un pelicula cortico nobo cu ta trata traficacion di hende. E pelicula cortico tin como titulo “OTRO BANDA DI E CAM”. Nos tur ta corda cu na 2021 CMMA

a lansa e pelicula cortico “OTRO BANDA DI LAMA” cu sigur a haci un impacto grandi aki na Aruba y a habri e wowo di sociedad cu aki na Aruba tambe nos tin casonan di ‘mensensmokkel y mensenhandel’ y pesey mes nos mester duna e topico aki su debido atencion. CMMA no a para aki, na 2022 nan a lansa un pakete educativo riba e topico di traficacion di hende special pa studiantenan di scol secundario di 12 pa 18 aña.

Tur e produccionnan aki ta forma parti di e campaña 'Habri bo wowo', cu a inicia na 2021 y cu nos por sigui via [www.habribowowo.com](http://www.habribowowo.com), rednan social (Facebook, Instagram), radio y corant. Si bo persona te ainda no conoce e campaña 'Habri bo wowo' sigur mi lo recomenda pa tuma tempo pa subi

riba nan website y informa y educa bo mes. Pasobra e tristo realidad ta cu na Aruba tambe e crimen aki ta tuma lugar y hunto nos mester combati esaki. No solamente pa percura cu e practicanan aki ta keda combati y hendenan protegi pero tambe pa e riesgo cu esaki por tin riba e bon imagen di nos pais.

Pesey mes ta bon pa como sociedad nos haci uzo di e toolsnan cu ta keda duna na nos pa reconoce e practicanan aki, haci denuncia y brinda e yudansa y asistencia si esaki ta posibel. Mester ta consciente si cu hopi biaha ta trata di situacionnan peligroso y cu nan por keda miho atendi pa instancianan specialisa pa esaki.

Durante e lansamento Minister

President sra. Evelyn Wever-Croes a hiba palabra y sigur a resalta su yamada pa nos raporta/denuncia cualkier practica sospechoso y pa hunto nos percura pa Aruba keda dushi pa nos, pa nos yiunan y pa nan yiunan y. un lugar sin crimen di traficacion di hende.

Mi ta subraya e yamada di nos Minister President y ta sostene sigur e trabounan grandi cu CMMA conhuntamente cu su partnernan ta realizando pa conscientisa, educa y preveni traficacion di hende aki na Aruba. Nan team por ta chikito pero a base di partnerschap nan a demostra di por realisa proyectonan grandi y necesario riba e tereno aki. Un palabra di felicitacion sigur ta na su lugar.

**22**  
OCTOBER  
2023


# WORLD ENERGY DAY



Un dia pa nos reflecciona y conscientisa riba uzo di energia na un manera responsabel pa garantisa produccion di energia sostenibel, sigur y alabes reduci emision di carbon den nos medio ambiente.





## Chauffeur a baha caminda bay dal riba un mata na Bubali



Diasabra madruga a drenta informe di un accidente na Bubali, mesora a dirigi un patruya na e sitio. Na yegada di e patruya a bin compronde cu aki ta trata di un chauffeur un poco cansa cu pa un motibo of otro a baha caminda bay dal den un mata. Afortunadamente ningun hende a resulta herida. Polis a hala atencion di e chauffeur y a mand'e bay sosega na su cas.

## Chauffeur bao influencia a baha caminda na man robes, dal palo di lus kibra subi muraya dal auto na benta!

Diasabra madruga a drenta informe di un accidente basta pisa banda di Jaced Wheels na Tanki Leendert, mesora a dirigi tanto polis como ambulans na e sitio. Na yegada di e patruya a bin compronde cu un chauffeur yegando e rotonde Tanki Leendert a baha caminda na man robes, dal un palo di lus cu transformer riba dje kibra, sigi bay subi e muraya di Jaced Wheels y dal un pick staciona eyan pa bende. Debi na e fuerte impactonan e chauffeur a resulta herida. Na yegada di e ambulans nan a atende e victima y mester transporte pa hospital. Como cu e chauffeur ta burachi polis a detene y a compaña bay hospital den ambulans.





## Minister Glenbert Croes:

## Den cuadro di Dia Mundial di Energia ARUBA TA DEN PROCESO DI TRANSFORMACION ENERGETICO, CU LO GENERA PROGRESO PA HENTER COMUNIDAD



Riba Dia Mundial di Energia, Minister di Energia Glenbert Croes a elabora riba e importancia di transformacion energetico, y riba e diferente pasonan cu Aruba a bin ta tumando pa cu transicion aki. Manera ta conoci, calentamento global ta real y Aruba ta sintiendo e efectonan di esaki. Teniendo e problematica aki den consideracion, Gobierno a cuminsa cu diferente proyecto pa cu transicion energetico pa Aruba tambe contribui y cumpli cu e acuerdo di Paris 2030. E acuerdo aki ta inclui e compromiso di cada Pais pa reduci emisionnan cu ta dañino pa nos medio

ambiente pa combati calentamento global.

E proyectonan:

Aruba ta expandiendo e parkenan di molina di biento y solar. Aruba ta den proceso cu Acciona Energia pa desaroya un hydrogen valley. Aruba ta invertiendo den un planta di gas, cu e proyecto di Eagle LNG. Y nos ta den proceso cu e bid pa cu Parke Rincon.

Minister Croes a indica, cu e proyectonan aki, Aruba ta den total transformacion energetico y cu ta importante pa sigura cu e transformacion aki ta uno cu lo genera progreso pa henter comunidad. Tambe,

Gobierno, den e transicion aki ta explorando otro oportunidadnan cu por yuda enrikece pais Aruba den e progreso energetico aki.

"P'esey riba dia Mundial di Energia, mi kier resalta, cu

Aruba ta un pais chikito, y por ta, cu mundo henter ta pensa cu e pasonan cu Aruba ta tumando ta insignificante, pero ohala cu nos como un isla chikito, cu lo wordo mas afecta cu consecuencianan di calentamento global,

por pone cu e pasonan cu nos a tuma, un presion positivo riba mundo henter, pa asina hunto nos haci e diferencia cu lo salba nos planeta. Ban tuma e desafio aki na serio", Minister Croes a expresa.

Fundacion Artistar cu sosten di Unoca ta presenta:

# FESTIVAL DI RANCHERA

*Infantil & Hubenil*

**Mariachi Azteca de Aruba**  
**CHINA CLUB**  
(PATRAS DI SUPERFOOD)  
**29 OKTOBER 2023**

**6 - 9 PM**  
**Entrada awg. 25,-**

*Ban haci'e un anochi Fantastico!*

UNOCA Artistar

The Old Cunucu House DCA Departamento di Cultura Aruba MilKen uniforms Aruba Top 95 Canal 22 SLO De Pueblo

SLEEP COMFORT Mattress & Foam Company, B.V. We Create your Dreams Since 1977



# Prome Minister Evelyn Wever-Croes: ENTREGA DI PREMIO PA CONCURSO DI PINTAMENTO CACHO DEN CURA

## “Tabata tin un tarea dificil pa scoje 30 ganado den 1222 pintura”



Diahuebs 19 di October, a tuma luga na Bestuurskantor entrega di premionan pa e concurso di pintamento 2023. E concurso aki a wordo organisa e aña aki pa di 5 aña consecutivo cu e meta pa conscientisa comunidad, specialmente nos muchanan, riba e importancia di cuida nan mascotanan.

E aña aki, Minister di Enseñansa Endy Croes a organisa e concurso aki pa nos muchanan di scol. Un total di 1222 mucha a participa e aña aki mustrandó asina e amor grandi cu cada mucha tin pa nan mascotanan. A saca 30 ganado, 5 finalista di cada klas di scol basico cu a participa. Ganadonan a ricibi un certificado y un regalito.

E concurso ta basa riba e Ley di Cacho. Cacho mester ta den cura y no riba caya. Un ley cu ta preveni pa cacho bira molester pa nos comunidad, pero tambe cu ta obliga e persona cu tin un cacho na e cuida minimo cu e responsabilidad aki ta trece cu ne. E concurso di pintamento ta yuda trece conscientisacion riba esaki, cuminsando cu nos muchanan di scol basico.

“E muchanan aki ta muestra a traves di nan pintura cu nan ta stima nan cacho. Un mucha durante e encuentro bunita aki, a comparti su experiencia y ta pidi pa tur hende cu tin cacho, pa nan tene nan cacho den cura. El a conta su storia cu su cacho a wordo ataca pa un cacho di caya cu a laga su cacho hopi malo y ainda ta recuperando, pero a keda e sentimentonan cu



esaki a trece cu ne. Como adulto, nos por tene cuenta cu e storianan chikito aki cu nos muchanan ta siña nos. Cacho mester ta den cura y awe nos ta cera otro campaña di conscientisacion di Ley di Cacho”, Prome Minister a expresa.

Na prome luga, Prome Minister ta gradici tur e ganadonan pa nan tempo y dedicacion pa participa na e concurso aki, na mayornan, adultonan y docentenan cu ta stimula e muchanan no solamente cu pintamento y arte pero tambe pa e amor na nan mascotanan.

Prome Minister ta gradici Minister Tjon y Minister Croes cu tambe a yuda cu e regalitonan y demas coleganan minister. Un gradicimento na tur scol cu a participa. Como Minister di Husticia, Minister Tjon ta percura pa Polis keda controla y tuma accion na momento cu tin violacion



di Ley di Cacho. Minister Croes ta haciendo esfuerso pa esaki drenta curriculum di scol y haci'e structural na unda muchanan ta siña di derecho y debenan cu tin pa cu cacho. Minister Ursell Arends ta trahando riba e plan nacional pa asina percura cu no lo tin molester di cacho riba caya mas. Prome Minister ta gradici tambe Irene Croes cu como veterinario a cuminsa cu e plan nacional na aña 2019 y a entrega esaki na Minister Arends na aña 2021, pero nunca a laga un banda e inspiracion cu e concurso aki a demostra desde su prome aña na 2019, y cu semper a

traha incansablemente pa e concurso su exito sigui crece.

“Esaki ta un tema cu tin prioridad di Gabinete Wever-Croes y ta mas cu un honor pa mi cu pa 5 aña Gobierno ta entrega premio cu e campaña di conscientisacion di Ley di Cacho aki. Entrante otro aña esaki lo drenta scolnan na Aruba cu ta un meta di nos Gabinete desde comienso. Mi ta hopi contento di mira con Aruba a avansa y con hopi amor tin na Aruba pa nos mascotanan”, Prome Minister Evelyn Wever-Croes a duna di conoce.



# MINISTER ENDY CROES A REUNI CU SKOA UNDA A RICIBI INFORMACION ACTUALISA DI DIFERENTE PROYECTO ANDANDO NA BIENESTAR DI ENSEÑANSA DI ARUBA

**O r a n j e s t a d :** Recientemente, Minister Endy Croes a reuni cu Sra. Anuesca Baly y Sra. Cavrill Martijn-Rombley di SKOA. Durante e reunion a trata diferente punto di interes, entre otro, mudamento di Sint Aloysius School. SKOA a notifica Minister Endy Croes cu a pidi dialuna y diamars ultimo liber via di Inspectie Onderwijs pa asina finalisa cu e proceso di mudamento di e scol. Diaranson 18 di october ultimo, Sint Aloysius School a inicia cu les den nan lokaal ful renoba den nan edificio na Noord. Minister Endy Croes a indica cu pafo

di e lokaalnan tin algun trabou chikito anadando despues di orario di scol y ta premira cu pa fin di october e trabou ta completamente finalisa.

Tambe, Minister Endy Croes a ricibi novedad di Scol Caiquetio unda cu Ministerio di Enseñansa y SKOA ta haciendo trabou pa “upgrade” ful e sistema di coriente, cual ta un proyecto basta grandi door cu e scol ta basta bieu. Una bes cu e proyecto aki ta cla, por instala airco na e scol. Ademas, a trata Anglo Kleuterschool cu ta den e proceso pa renobacion di e sistema



di coriente, una bes cu e parti aki ta cla ta bay over pa instala airco. Pa loke ta trata e parti financiero, Gobierno di Aruba a traspara esaki pa SKOA pa e proyecto por cuminsa. Por a compronde cu tin problema cu e bentanan cu mester wordo cambia. Tambe, a toca e tema di Sociaal Maatschappelijke Werksters unda cu SKOA a

indica cu tin un necesidad. A trata e introduccion di alfabetisacion pa cu maneho di idioma pa augustus 2024, cual proyecto SKOA ta sostiene.

Un punto cu a toca tambe tabata e futuro di e edificio di Colegio Frère Bonifacius. Tambe, SKOA a indica cu Prinses Maria Christina School na San

Nicolas ta deteriora y no ta wordo uza mas. SKOA a informa Gobierno di Aruba pa wak kico por haci ey nan. Pa conclui, Minister Endy Croes a enfatisa cu e tabata un bon reunion unda a trata diferente topico di interes na bienestar di enseñansa den su totalidad.

## Minister Endy Croes:

## A PRESENTA E PROYECTO DI MANEHO DI IDIOMA NA E COMISION DI ENSEÑANSA NA PARLAMENTO DI ARUBA

**O R A N J E S T A D :** Recientemente, comision fiho di enseñansa di ParlamentodiArubaa invita Minister di Enseñansa Endy Croes hunto cu e team di profesional di Departamento di Enseñansa Aruba (DEA) pa duna un splicacion di e maneho di idioma nobo. Manera ta conoci, durante e luna di februari di año 2023 a duna un presentacion caba di maneho di idioma na Parlamento di Aruba. Di acuerdo e deadline di Landspakket y recomendacion 2 di Doorlichting Rapport a tuma un decision riba e maneho di idioma dia 31 di

maart 2023.

E comision di DEA a traha duro riba e rapport preliminar y plan di implementacion y a duna un presentacion amplio di esaki na Parlamento di Aruba. Minister Endy Croes hunto cu directora di DEA Sra. Anne Marie Proveyer, Sr. Eduard Pietersz, Sra. Vanessa Pietersz y Sra. Gina de Kort cu ta esnan trahando riba e proyecto aki, a splica cu 12 di october a presenta na henter e field di enseñansa e producto di implementacion di alfabetisacion na Papiamento pa maneho di idioma cu lo introduci na augustus di año 2024 na



e prome año di scol basico di Aruba. Locual tambe ta importante ta e parti di profesionalisacion pa e maestronan, pues mester prepara e maestronan di año uno (1) di scol basico pa tin un bon maneho alfabetisacion na Papiamento pa nan por duna e lesnan aki. Pa esaki tin un programa cu ta consisti d seis (6) sesion, unda e cabesante hunto cu e maestronan di año uno

(1) di scol basico lo mester asisti pa prepara nan mes.

Banda di esaki, riba e website [www.ea.aw](http://www.ea.aw) tin un programa digital Matrix, unda cu e maestronan por sigui profesionalisa nan mes den e tema aki y otro temanan. Durante e presentacion, Minister Endy Croes y e profesionalnan presente a contesta diferente pregunta. Parlamento di Aruba den su

totalidad ta sostiene e idea pa e alumnonan haya les den Papiamento na inicio di scol basico. Den rapport di UNESCO y World Bank ta señala e importancia pa e alumnonan haya les den nan idioma materno. Pues, Minister Endy Croes hunto cu e comision ta canando e trayecto y haciendo tur inventarisacion pa realisa e proyecto aki otro año augustus.



# Playa Film Festival cu diferente presentacionnan gratis pa publico



E festival di cine local di Playa lo tuma lug a e aña aki for di tres pa cinco di november. Riba e prome anochi na Ateliers '89, e festival ta habri cu un seleccion di pelicanan cortico cu ta 'Stick is Life' di Miquel Galofre for di Trinidad & Tobago, 'The Aftermath' di LaChelle Joy Hunt for di USA, 'La Dama Blanca' di Guus de Sain for di Curacao, 'At a Glance' di Ruud Stijn for di Hulanda, 'Un Dia' di Nathan M. Legger for di Aruba, 'The Challengers' di Rhonda Chan Soo for di Trinidad & Tobago y 'Salted' di Aishah Graviel for di Curacao. Na final di e presentacion di e pelicanan lo tene combersacionnan cu e cineastanan presente.

Riba e segundo dia di e festival, cuater di november lo tin diferente pelicanan largo y cortico. Atardi lo tin presentacion gratis di e pelicula 'Good Guys with a Gun' di John Mossman for di USA. E pelicula largo 'The Founder Effect' di Justin MacGregor for di Canada tambe lo pasa riba diasabra atardi cu entrada gratis. E diasabra anochi lo presenta e documentarionan cortico escolar produci pa Mon Plaisir College, Schakel College, YNZ Montessori High School y Colegio San Augustin. Lo sigui cu e documentario 'It is not Past-08 12 1982' di Ida Does for di Hulanda. E presentacionnan aki lo tuma lug a na Ate-liers '89.


Mientras cu na Ateliers '89 tin presenta-cionnan di documentario, na Wolff & Co. Studio situa na Royal Plaza Mall na e ul-timo piso lo tin presentacionnan gratis di e pelicula largo 'Everybody wants to be

loved' di Katharina Woll for di Alemania cu subtitulo na Ingles. Despues lo sigui cu un presentacion special di e documen-tario 'One Pint at a time' di Aaron Hose for di USA.

Diadomingo merdia y atardi na Ateliers '89 lo tin ripiticionnan di diferente pelicu-lanan cu acceso pa publico completa-mente gratis. E anochi di e festival lo cera cu un ceremonia di premio cu lo tuma lug a na Wolff & Co. Studio situa na Royal Plaza Mall, entrada lo ta completamente gratis. E aña aki e premio pa miho pelicu-la cortico y largo lo wordo duna door di un jurado. Ademas lo tin dos premio nobo cu ta reconoce e miho actuacion y e tal-ento emergente. Riba e anochi aki lo duna reconocimiento na Ludmila 'Luty' Marti-nez pa su 40 aña di contribucion na teatro y cine.

E proyecto di Playa Film Festival ta un iniciativa di fundacion CINEARUBA pa stimula y promove un cultura di cine lo-cal. E proyecto aki no lo por ta posibel sin e sosten di Prins Bernhard Cultuurfonds Caribisch Gebied, Cede Aruba, Aruba Tourism Authority, VNO, Aruba Airport Authority N.V. AUA, Aruba Bank y Setar N.V. Localidadnan di presentacion ta po-sibel danki na Ateliers '89 y Wolff & Co. Studio. Pa e orarionan di e pelicanan y mas informacion por bishita e pagina web di e festival: [www.playafilmfestival.com](http://www.playafilmfestival.com). Juan Francisco Pardo coordinador di e festival di cine ta invita comunidad pa bin disfruta di diferente generonan di pelicu-lanan cu diferente topiconan.

ORACION DI DIA



### Un dia fructifero colma cu hopi gracia y bendicion di Dios

"Pasobra Spirito Santo lo siña boso na e momento ey kico boso mester bisa" Lucas 12,12

Señor ta spierta nos fe y speransa den djE y ta bisa cu nos tin cu aparece dilanti ehercito celestial pa nos wordo scrudiña. Confesa publicamente, cu pal-abra, y accionnan y henter nos bida, na fabor di Hesus. Awendia e confesion ta mas necesario y ur-gente paso e hendenan no kier scucha e bos di Dios ni sigui Su caminda. Nos no ta confesa nos fe pa e recompensa cu ta toca e fielnan.

Nos testimonio ta necesario y urgente pa e bida di mundo, y Dios mes ta pidi nos.

Dios no ta contento cu e fe interior pero ta pidi e fe di paf o y publico.

Asina nos ta sinti un confiansa y amor mas grandi. Nos ta wordo sostene pa e forsa y garantia di Spirito Santo cu ta activo den nos y ta defende nos.

E reconocimiento di Hesucristo dilanti di Su angel-nan ta importante paso asina nos lo wak E cara a cara, biba cu nE yena cu Su luz. Si nos no reconoce Hesus e ora ey tin sufrimento y nos lo muri, nos no lo wak e luz.

Oracion: Señor nos ta suplica Bo pa duna nos e gra-cia pa nos no cay den tentacion y keda sin confesa cu Hesus ta nos Salvador. Laga nos ta fuerte paso Bo Spirito Santo ta cu nos.

Amen.

SOLO

SUDOKU MANIA

|   |   |   |   |   |   |   |   |   |
|---|---|---|---|---|---|---|---|---|
|   |   | 8 |   | 3 |   | 5 | 4 |   |
| 3 |   |   | 4 |   | 7 | 9 |   |   |
| 4 | 1 |   |   |   | 8 |   |   | 2 |
|   | 4 | 3 | 5 |   | 2 |   | 6 |   |
| 5 |   |   |   |   |   |   |   | 8 |
|   | 6 |   | 3 |   | 9 | 4 | 1 |   |
| 1 |   |   | 8 |   |   |   | 2 | 7 |
|   |   | 5 | 6 |   | 3 |   |   | 4 |
|   | 2 | 9 |   | 7 |   | 8 |   |   |



Parlamentario Marco Berlis (MEP):

## Oposicion su opinion real riba e RAft exponi

Dilanti camera MAS, Accion 21 y Parlamentarionan independiente ta pro RAft, pero den scondi nan ta contra! Papel y evidencia ta corta!



No ta pornada e rapport di CBA ta bisa cu mas cu 90% di pueblo no ta confia politiconan. E politica den oposicion ta tradicionalmente contra tur cos bon of malo y ta resorta hopi na gañamento pa trata na confundi pueblo. Aunke tin hobennan den politica, nan ta keda hunga e politica bieu. Pesey semper mi ta sali cu evidencia y documento pa pueblo por wak y lesa pa su mes. Den mi articulo di awe pueblo por analisa un biaha mas e hipocresia di coleganan den oposicion, cu ta bisa un cos dilanti camera pero otro riba papel.

Puntonan di MAS den e verslag di Staten 20 di mei 2022 pa Tweede Kamer

Marisol den su politica di decepcion ta vocifera completamente contrario di loke e la skirbi den su verslag:

1. Riba pagina 15, e prome frase di nan zienswijze ta expresa lo siguiente: “Pa loke ta trata e meta ambicioso pa yega na un finansa publico sostenibel, MAS ta haya cu esaki no a wordo pensa ni planifica bon door di Hulanda.
2. “E ta importante cu e normanan di e presupuesto ta realistico y alcansabel, sino e no tin sentido pa pone nan den e ley.”
3. “Hulanda tabata tin mucho poco atencion pa e hecho cu ora pone metanan hopi ambicioso pa e presupuesto di Aruba, esaki lo forma riesgonan serio pa e capacidad di crecimiento economico pa Aruba.
4. Na pagina 16, bao di e punto “Aandachtspunten en Wenselijkheid” Marisol ta bisa: Diversi-

ficacion di e economia Arubano ta bon, solamente si inversionan por wordo haci. E ta bay akinan pa cientos di miyones di florin cu Gobierno di Aruba ta bay tin mester. “Metanan di presupuesto por stroba e inversionnan ki. Ni den e ley, ni den e splicacion ta wordo informa con Hulanda ta pensa riba e aspecto aki. E pregunta ta, con e RAft lo haci cu metanan di presupuesto, pa esakinan no a bay stroba e inversionnan internacional yega Aruba.

Punto nr. 1 di Mansur su zienswijze: Normanan irrealistico exige di Aruba su presupuesto

Na Mei 20 2022, riba pagina 16 te cu 17 den e “Verslag voorstel van Rijkswet houdende regels voor het Financieel Toezicht op Aruba,” Miguel Mansur (Accion 21) a expresa den preguntanan pa Hulanda cu e no ta di acuerdo cu diferente puntonan di e RAft, y si esakinan no wordo contesta ni considera, anto e ora ey e RAft den su forma original ta irrealistico pa nos pais. Mansur ta elabora: “Teniendo cuenta cu e hecho cu RAft ta pone enfasis riba e urgencia pa baha nos ratio di debe/GDP te na un 50% pa 2040, cual lo haci esaki mas sostenibel, y cu adicionalmente e ley ta exige un 1% di surplus riba tur presupuesto, mientras nos debe/GDP-ratio actual ta mas o menos 115%, mi ta conclui cu e normanan/exigencianan aki ta probablemente imposibel pa realisa sin un re-financiamiento di nos debe nacional, door di Hulanda na un tarifa/porcentahe mas preferencial. (Pag.17) Parlamentarionan Independiente Pa loke ta trata e dos Parlamentarionan independiente, ainda nan no a sali hustifica ni splica pakico nan a flip-flop riba nan posicion di RAft. Pa hopi aña como candidato y despues como Parlamentario di AVP nan a bringa RAft den IPKO, den nan scol politico, den rueda di prensa, a contribui cu zienswijze di AVP cu a bay Tweede Kamer di Hulanda y

Parlamento. Tur esaki ta bon documenta. Despues di algun luna, cu presion politico di coleganan den oposicion diripiente ambos a flip flop di contra pa pro RAft. Ainda pueblo ta wardando splicacion con un politico por cambia di posicion sin responsabilisa su mes dilanti pueblo.

Con politiconan por ta contra RAft riba documento pa Tweede Kamer pero pro RAft dilanti camera? Oportunismo politico? Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo Parlamentario y sirbidor di pueblo na bo ordo semper!

## RADAR A CAPTA BOTO PARIBA Y KUSTWACHT A GARA E BOTO CU 17 PERSONA CU KIER A DRENTA ILEGAL



Diadomingo den oranan di madrugada un boto cu 17 ilegal kier a dreña Aruba, pero e radar a capta nan y guarda costa a sigui nan y a logra captura

nan y a tresenan na Savaneta unda eynan a cuminsa cu e proceso di tramita nan castigo y expulsion. Nos lo sigi informa....




# Chauffeur a bini mucho duro riba caminda muha, slip y subi rotonde dal borchí tráfico kibra



Diasabra madruga a dren-ta informe di un accidente na e rotonde Paradera, mesora a dirigi un patruya na e sitio. Na yegada di e patruya no a encontra cu e chauffeur na e sitio. Investigacion haci na e sitio a indica cu e chauffeur biniendo for di pabao lo no a baha su velocidad na

tempo y ora a bay brake a slip subi e rotonde dal borchí tráfico kibra y raspa riba e palo di lus.

E auto a keda cu basta daño material y e chauffeur no por a sigi core cun'e. Pa pone e doño di auto para responsabel pa e daño causa polis a confisca e vehiculo.



## Partido MEP

### **PARTIDO MEP TA LAMENTA CON PARLAMENTARIO MERVIN WYATT-RAS TA REBAHA SU MES PA LASTA MINISTER PRESIDENT DEN PARLAMENTO AVP a cambia bo!**

“Bo ta e persona mas in-epto cu tin” ... “Bo no tin weso di lomba”, tabata algun di e expresionnan cu Parlamentario Mervin Wyatt-Ras a expresa den direccion di Minister President Evelyn Wever-Croes den Parlamento diahuebs mainta.

Minister President a wordo invita den Parlamento pa duna mas informacion riba e acuerdo firma cu Hulanda siman pasa.

Sinembargo, e parlamentario di AVP a yega laat, y ora el'a yega, e tabata papia

y tira palabra y no tabata scucha e splicacionnan cu gobierno tabata duna. Obviamente e no tabata interesa den e informacion, pero solamente kier a bruha tera, y a cuminsa cu e insultonan baho contra Minister President cu ta lamenta cu e parlamentario aki, no ta atende cu su trabou na serio, pasobra esaki ta un topico hopi importante. Asina mes, mei mei di tur insulto, Minister President a keda profesional, dunando tur informacion y contestando tur pregunta.

Na final, Minister President a expresa cu e actitud di parlamentario Mervin Wyatt-Ras ta para mahos pa un parlamentario, y sigur pa un dama. Cu e no mester hasi tur e trabou sushi pa partido AVP. “Mervin Wyatt-Ras, AVP a cambia bo!” Prome Minister a finalisa bisando.

Mester bisa si cu ultimo lunanan Mervin Wyatt-Ras y Gerlien Croes constantemente ta ataca y insulta Minister President na forma hopi baho. Nos



di partido MEP ta lamenta y ta condena esaki. Minister President Evelyn Wever-Croes ta votegeter y lider di e pais aki. Un Minister President cu desde inicio di gobernacion,

a wordo enfrenta cu crisis tras di crisis, pero cu a sa di saca Aruba for di cada un di nan. Cu e parlamentarianan aki ta rebaha nan mes na e nivel aki, ta puro muestra di nan envidia.




# Pelea entre pareha na Tanki Leendert a termina cu varios persona herida y 2 persona deteni



Diasabra madruga a drenta informe di un problema di pareha na Tanki Leendert unda varios hende a cay aden y tin hende herida, mesora a dirigi tanto polis como ambulans na e sitio. Na yegada di e patruxa a bin compronde cu aki ta trata di un problema di pareha unda e homber a bin reclama e muher pero a hay'e mal sirbi ya cu ey nan familiarnan y amistadnan a sali dilanti pa defende. Den e confrontacion aki varios persona a resulta herida pero ambulans a transporta 2 di nan pa hospital y otro 2nan mester a bay cu auto particular. 2 Persona a ser de-

teni for di cual un di nan ta e homber cu a bin busca problema pero e mester a bay den ambulans pa un kap na cabez mientras e otro ta esun cu a sali na defensa di e dama.





# Intencionalmente a sende un auto na candela dilanti un club nocturno na Palm Beach





BRIYANDO FUERTE • TRECIENDO CLARIDAD

Di Pueblo



## PRONOSTICO DI TEMPO

VALIDO TE DIALUNA 23 DI OCTOBER 2023,  
18:00 ORA

TEMPO:  
AWE TARDI Y AWE NOCHI: PARCIALMENTE  
NUBLA Y GENERALMENTE SECO  
DEN MARDUGA Y MAYAN: VARIABLEMENTE  
NUBLA CU ALGUN AWACERO

TEMPERATURA MAXIMO 32 GRADO CELSIUS  
TEMPERATURA MINIMO 27 GRADO CELSIUS  
INDICE DI CALOR (HEAT INDEX) DEN Y ROND  
DI ORANAN DI MERDIA: 33 PA 44 GRADO CEL-  
SIUS  
UV INDEX: 12

POTENCIAL DI AWACERO PA PROXIMO 24 ORA:  
3 TE 10 MM; LOCALMENTE ESAKI POR TA DIFE-  
RENTE.

REGISTRACION DI TEMPERATURA (GRADO  
CELSIUS) Y  
AWACERO (MM) DEN ULTIMO 24 ORA (8'AM PA  
8'AM):

AIRPORT : MAX 31 / MIN 26 / 1.2 MM  
WESTPUNT: MAX 31 / MIN 25 / 9.2 MM  
STA ROSA: MAX 31 / MIN 25 / 8.8 MM

PRONOSTICO DI TEMPO PA PROXIMO 3 DIAN-  
AN:  
PARCIALMENTE NUBLA CU UN AWACERO  
BREVE.  
BIENTO LO TA FOR DI DIRECCION OOST Y  
MODERA  
TE POSIBLEMENTE BASTA FUERTE DEN RAFA-  
GA.  
TEMPERATURA (GRADO CELSIUS)  
MAX / MIN LO TA: 33 / 27

|   |  |   |
|---|--|---|
|  <div>Paardenbaastraat 10, Oranjestad, Aruba Tel.: (297) 525 - 7555<br/>www.lottoaruba.com<br/>Resultado : Sorteo 22 Oct 2023 Merdia</div>   |  |   |
|  <div>Sorteo # 4071</div> <div>9950</div> <div>6505</div> <div>9824</div> <div><div>FP</div></div> <div><div>Sorteo # 4071</div><div>3360</div></div> <div><div>Sorteo # 2127</div><div>3898</div></div> <div><div>Sorteo # 4071</div><div>2789</div><div>Scorpio</div></div> <div><div>Sorteo # 945</div><div>993</div><div><div>X2</div></div></div> |  <div>Sorteo #</div> <div>0 x Jackpot</div> <div>0 x Match 4+</div> <div>0 x match 4</div> <div>0 x Afl. 12,00</div> <div><div>Sorteo # 6277</div><div>0 x Jackpot</div><div>1 x Match 4</div><div>79 x Afl 8,00</div><div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl 50,00</div><div>0 x Afl. 15,00</div><div><div>Sorteo #</div></div><div><div>Sorteo #</div></div></div></div> | <div>Joker Letter</div> <div>Proximo Jackpot</div> <div>1.125.000,-</div> <div>14-16-17-26-28</div> <div>Proximo Jackpot</div> <div>70.000,-</div> <div>Mega Ball:</div> <div>Proximo Jackpot</div> <div>370.000,-</div> <div>Afl. 480.000,-</div> <div></div> |

Diasabra madruga a drenta informe di un cu tin un auto na candela dilanti un club nocturno na Palm Beach, mesora a dirigi tanto polis como bombero. Na yegada di e patruya a bin constata cu aki ta trata di e Toyota Yaris blanco A46138 cual e parti dilanti tabata na candela unda a basha gasolin riba dje y pega esaki na candela pero mientrastanto a pushe hal'e un banda y a purba paga e candela. Na yegada di bombero ya caba a paga e candela.

E doño di e auto a sali for di e club y no tabata desea di haci denuncia.



# Polis a para un chauffeur burachi cu tabata core malo ya mand'e pa cas



Diasabra madruga durante patrulla polisnan atento a para un auto cu tabata coriendo malo riba caminda di Shaba. Ora a controla e chauffeur esaki a bin resulta di ta bao influencia, polis a compañe p'e yega su cas sano y salvo.

## FORTALEZA PA FAMILIA

Scirbi pa Pastor Marcel Balootje.

## DIOS LAGA BO GLORIA BAHAM, Y BO PRESENCIA AUMENTA

Den un mundo yena cu maldad, ta boluntad di Dios pa nos ta diferente, pa nos no ta mara na cosnan di mundo, pero pa nos ta sirbidornan di Dios, y disponibel pa tur bon obra cu Dios a yama nos pa haci.

Pasobra tur a peca y ta falta e gloria di Dios. (Romanonan 3:23).

Nos bida mester demostra un diferencia.

Nos actitud mester demostra cu nos ta yuinan di Dios.

Nos no por tin dos bida, pero solamente un bida cu ta agrada Dios.

Si nos a wordo lanta cu Cristo nos mester busca e cosnan di ariba, caminda Cristo ta sinta nan man drechi di e Tata.

Den un palabra bisa nos mester pone nos mente riba cosnan di ariba, pa nos ta un hempel y un testimonio di Dios su grandesa.

Pesey nos mester arepenti y tin un bida nobo den Cristo caminda tur cos bieu a pasa y a wordo haci nobo. (2 Corintionan 5:17).

Orguyo, arogancia, pleito, odio y falta di pordon, mester bandona nos bida pa nos ta berdaderamente cargado di e Gloria di Dios.

Inmoralidad y capricho no por wordo indentifica den nos bida, ni tampoco discriminacion y rasismo, pasobra esey ta cosnan cu nos mester aparta for di

dje, como sirbi dor di Dios.

Tampoco nos ta yama pa nos ta para na banda di esnan cu ta apoya maldad y inmoralidad, manera hende cu kier tapa solo cu un dede.

Nos mester ta imitadornan y sigidornan di Cristo Hesus riba e mundo aki, nos mester tin mesun actitud cu tabata tin den Cristo Hesus. (Filipensenan 2:5).

No solamente den palabra, pero den hechonan tambe. Demostrando asina nos Fe, santidad, oracion y amor den tur momento.

Solo lo no ta bo lus mas, den dia, ni claridad di luna, lo no briya riba bo, pasobra Señor lo ta bo lus eterno, y bo Dios lo ta bo gloria. (Isaias 60:19).

Hesus a bise, mi no a bisa bo, si bo kere, lo bo mira e gloria di Dios. (Juan 11:40).

Ma tur esnan cu a ricibi'E, na nan e a duna e derecho

pa bira yuinan di Dios, esnan cu ta kere den Su nomber. Cu no a naci di sanger, ni di boluntad di carni, ni di e boluntad di hende, ma di Dios. (Juan 1:12-13).

Pesey nos tin di haci oracion na Dios y bisa lo siguiente:

Bo ta bendiciona, O Señor, Dios di Israel nos tata pa semper y semper.

Di bo O Señor, ta e grandesa, e poder, e gloria, e victoria y e mahestad, di berdader, tur loke ta den cielo y riba tera, e dominio ta di Bo, O Señor.

Abo ta halsa Bo mes como cabes riba tur cos, y den Bo man tin poder y forsa, y ta den Bo man pa engrandese pa fortaleza cada un.

Pesey anto nos Dios, nos ta gradici Bo, y ta alaba Bo nomber glorioso. (1 Cronicanan 29:10-13).

Pasobra tera lo wordo yena cu conocimiento di

e Gloria di Dios, manera awa ta tapa laman. (Habakuk 2:14).

No a sobra tempo pa biba den dobbel animo, pasobra esun cu tin curason dobbel no ta util pa e trabao di Señor, un hende di curason dobbel ta inconstante den tur su obranan. Ta tempo pa nos lanta ariba y para firme y haci un diferencia den e mundo corruptivo den cual diabel ta purba di tur manera pa ciega hende, y mantene nan den scuridad pa nan no mira e lus di Hesus.

Cu fe y humildad, nos lo vence.

Sinceramente, Pastor Marcel Balootje.





# SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Hepaleeee! Lady Ruth a malcria nos lectornan cu bunita noticianan social cultural di varios celebracionnan cu a tuma lugar y cu lo tuma lugar, cu awor nan ta desea di sigui lesa nos relatonan di temanan social cultural. Ta hopi biahha nos a skirbi di e anochinan di Poesia y of un bunita concierto y of show cu a tuma lugar den Cas di Cultura. Varios ta e lectornan cu a laga nos sa, cu nos relatonan ta relahanan masha hopi mes. Nos tambe sa, cu prensa no por skirbi y of publica cosnan cu ta relaha mente

di hende so, nan tin cu relata noticianan di polis y of di temanan politico tambe, pa concientisa y re educa nos pueblo, djies pa menciona algun. Danki na tecnologia cu nos por a sigui manda nos relatonan, aunke nos no tawata na Aruba., pero cu temanan pendiente pa a skirbi di nan. Y una bes priminti nos ta purba di cumpli y ta contento ora nos hanja “feedback” di lectornan serca y leu, pasobra awor nos relatonan ta on line tambe, danki na EANews, cu por wordo lesa na varios otro islanan

den Caribe y tambe Hulanda. Pa ora cu e relato aki wordo publica, nos lo ta bek caba na cas probablemente cu un curason parti den dos atrobe y cu wowonan muha di lagrimanan di nostalgia pa otro despedida pero tambe di alegria di por a comparti tempo di calidad cu nos famianan na Hulanda. Un di e bunita momentonan cu nos por menciona, ta, e anochi cu nos por a celebra cu nos tio Andre Bergen, “Oom Boy” kende a cumpli su di 89 anja di edad, pero cu un mente y estado fisico bon bon ainda, cocochando un crenchi cu e pianan, pero, ta cana y move den su cas manera e kier. Nos a pasa hopi dushi mes cu su distinguida sra.esposa “Tante Gerrie” y presente tawatatei tambe Johnny, un di e yiu hombernan, cu su nomber artistico Juan Montanjas, pa su hopi bishitanan na Spanja. ( Sorry, pero mi no sa con pa type e nje, enje) y tambe Donald, un di e talentoso nietonan. Johnny ta realiza hopi bunita grabacionnan di naturaleza bunita y artistanan na Spanja. Ki dushi ta pa por a sinta combersa cu nan tur. Nos por a saborea dushi bolo di pruim y di cashupete traha pa nos bunita prima Sabrina, manera su bunita mama defunto Chichi tawata traha. Despues nos lo bin cu mas di Hulanda. E pais gusta pa hopi arubiano cu a scoge pa a bay studia y keda traha y biba, forma nan hogar ayanan. Danki pa lesa nos relato di e siman aki, danki pa tur bon



comentario ricibi pa cu nos relatonan anterior. Un cos Lady Ruth por bisa di henter su curason, ta, cu, tur dia ta “mooi weer” p’e na Hulanda, pasobra e por brasa su yiunan y nietonan tur dia di su vakan-tie. Awa por ta jobe, shelo

por ta shinishi, por hasi un crenchi friuw, pero e dushi solo cayente color bunita ta den su mente, alma y curazon. Dios ta bon. Dios semper ta bon. Y ta den Su mannan nos bida ta. Dios ta amor. Un “bearhug” di Lady Ruth.

**Clasificados**

Icons: Car, House, Shopping Cart, Briefcase, Wrench, People.

**CLASSIFIEDS**

**SOLODIPUEBLO@GMAIL.COM**  
**CEL.585 9500**

SOLO Di Pueblo

**CM CELULAR MASTER**

**We Are HIRING**

**JOINS US!**

Job Opportunities in the field of.  
**Cell Phone Repair Technician.**

Requirements:

- ◆ Flexible with time and good attitude.
- ◆ proven experience as a cell phone repair technician with more than 2 years.
- ◆ ability to handle tools for equipment repair and welding.
- ◆ strong attention to detail and accuracy.

cellularmaster785@gmail.com +2977498368 Paradera 40-C

PHONE REPAIR SERVICE

**DIVISION HONOR**

**RESULTADO FULL-TIME**

**2** **0**

**BUBALI** **V** **CAIQUETIO**

21 OCTOBER 2023 | 8:30PM | CDFF